



Universitätsbibliothek Paderborn

**Manvale, sev Institvtio Sacerdotvm, Ex Divinis Litteris Et
Vetervm Patrvm Disciplina**

Torres, Alfonso de

Ingolstadii, 1604

XVI. Ne Sacmenta rite non dispensem, aut minus debito veneretur
Sacerdos.

[urn:nbn:de:hbz:466:1-48973](#)

ditionem, liceat, pro illis in subditos tradita supra
teliq[ue]os inferiores Sacerdotes auctoritate; præ-
sertim quoad illa, quibus excommunicationis
tensura annexa est, &c. *Idem Conc. Trid. Seff. 14. c. 7.*

Nullus sacerdos, vel regularis, etiam in
Ordinum suorum Ecclesiis, contradic-
cente Episcopo, prædicare præsumat,

*Idem Conc. Trid. Seff. 24. c. 4. Sexta Synod. can. 33. 64. 12
16. q. 1. c. adjicimus. Conc. Later. sub Leone X. Seff. 11.*

C A P V T X V I.
NE SACRAMENTA
RITE NON DISPENSET,
AVT
MINVS DEBITO VENERE.
TVR SACERDOS.

S Y M M A R I V M.

QMIA honeste, circumspecte, & per ordi-
nem, in Ecclesia fiant. 1. 2.

Sacramentum Pænitentiæ qualiter admini-
strandum, & pænitentia peccatorum qualiter impo-
nenda. 3.

Sacerdos reuelans peccata pænitentis, deponi, & per to-
tam vitam peregrinari, & in monasterium perpe-
tuo detrudi debet. 4. 5.

Fideles instruendi, ut reuerenter adorent Sacramentum
Eucharistiae, & ad infirmos qualiter deferendum,
& ministrandum omnibus 6.

Communicaturi lauent manus, & nitidis vestibus in-
duantur. 7.8.

Nihil pro Sacramentorum administratione exigen-
dum. 9.

Clericus, cuius negligentia aliquid de sanguine Christi
stillauerit, qualiter puniendus. 10.

Qualiter qui euomit Eucharistiam. 11.

Quae, & sanctum Chrisma fideliter sub clavibus custo-
diri debent. 12.

Contrafacentes qualiter puniendi. 12.13.

Penitere qualiter intelligendum in Canonibus. 10.

1. **O**MNIA honeste, & secundum ordinem fiant.
1. Cor. 14.

2. In medio sedis, & in circuitu sedis quattuor ani-
malia plena oculis ante & retro, &c. Et singula eo-
rum habebant alas senas: & in circuitu, & intus
plena sunt oculis, &c. *Apoc. 4.*

Sacramentum Pænitentiæ qualiter ad-
ministrandum, & pænitentia peccato-
rum qualiter imponenda.

3. Vide latius p. I. c. 5. per totum, de Sacramentorum
administratione, & p. 2. c. 7. §. 2. de lectione, & scien-
tia, cap. caueat spiritualis index, n. 56.

Sacer-

Sacerdos cōfidentis peccata reuelans deponi debet, & perpetuo peregrinari.

SACERDOS ante omnia caueat, ne de his, qui ei
confitentur, peccata alicui recitet, non propinquis, non extraneis, neq; (quod absit) pro aliquo
scandalo. Nam, si hoc fecerit, deponatur, & omni-
bus diebus vitæ suæ ignominiosus peregrinando
pergat. *S. Gregor. de pænit. dist. 6. c. eod. sup. p. 1. d. c. 5.*
sacerdos, n. 21.

Sacerdos peccata reuelans non solum de-
ponendus, sed in monasterium perpe-
tuo detrudendus.

CAVEAT omnino Sacerdos, ne verbo, aut si-
gno, aut alio quoquis modo, aliquatenus prodat
peccatorem; sed, si prudentiori consilio indigue-
rit, illud absqueulla expressione personæ caute re-
quirat. Quoniam, qui peccatum in pænitentiali
iudicio sibi detectum præsumperit reuelare, non
solum à Sacerdotali officio deponendum decer-
pianus; verum etiam ad agendam perpetuam pæ-
nitentiam in arctum monasterium detrudendum:
Innoc. 3. de pænit. & remiss. c. omnis vtriusque sexus. S.
Leo ep. 80. de pænit. dist. 6. c. Sacerdos. Sexta Synodus
can. 102. Concil. VVormaciens. c. 7.

Sacerdos instruat plebem, ut reuerenter
doret Eucharistiæ Sacramentum.

de sup. p. 1. c. 5. de Sacramentorum administratione, 6

*sacerdos, n. 35. & num. 36. habeat. vbi, qualiter adi-
firmos deferendum, & omnibus ministrandum.*

**Communicaturi lauant manus, & nitidis
vestibus induantur.**

7 **OMNES** viri, quando communicare desiderant,
lauant manus suas, & omnes mulieres nitida exhib-
ent linteamina, vbi Corpus Christi accipiunt.
Non est graue, quod dico, fratres. **Quo modo** viri
lauant aqua manus suas, sic Eleemosynis lauant
conscientias suas: similiter & mulieres, quomo-
do nitidum exhibent linteolum, vbi Corpus
Christi accipiunt, si corpus castum, & cor mun-
dum exhibeant, vt cum bona conscientia Corpus
Christi suscipiant. Rogo vos, fratres, numquid est
aliquis, qui in arca sordibus plena velit mittere ve-
stem suam? Et, si in arca sordibus plena uestis non
mittitur pretiosa, qua fronte in anima, quæ pecca-
torum sordibus inquietur, Christi Eucharistia
suscipitur? *S. August. serm. 225. de tempore.*

De eodem.

8 **Custodire debes.** *vt sup. p. I. c. 3. §. I. de sacrificij ob-
latione, n. 28.*

**Nihil exigendum pro administratione
Sacramentorum.**

9 *Vide sup. p. I. c. 5. de Sacramentorum administratio-
ne, c. spontanea, n. 39. & c. qui celebrat, n. 41. & per-
tum caput.*

Qua-

Qualiter puniendus Clericus, cuius negligentia de sanguine Christi aliquid stillauerit.

Si per negligentiam aliquid de sanguine Domini stillauerit in terram, lingua lambetur, & tabula radetur: si non fuerit tabula, ut non conculetur, locus corradetur, & igne consumetur, & eius intra altare recondetur, & Sacerdos & quadraginta diebus pœnitentia. Si super altare stillauerit calix, sorbeat minister stillam, & tribus diebus pœnitentia. Si super linteum altaris, & ad aliud stilla peruenierit, quatuor diebus pœnitentia: si usque ad tertium, nouem diebus pœnitentia: si usque ad quartum, viginti diebus pœnitentia, & linteamina. quæ tetigere stilla, tribus vicibus minister abluat calice superposito; & aqua ablutionis sumatur, & iuxta altare recondat. *S. Pius Papa de consecr. dist. 2.c. eod.*

¶ Quadraginta diebus pœnitentia.] intellige, ut tot diebus ieiunet, & tot diebus à Sacramentorum communione abstineat.

Qualiter pœnitere debeat, qui euomit Eucharistiam.

Si per ebrietatem, vel voracitatem Eucharistiam euomuerint Clerici, vel Monachi, seu Diaconi, & Presbyteri, septuaginta diebus pœnitentiant; Episcopus nonaginta: si pro infirmitatis causa euomuerint, septem diebus pœnitentiant. *Pœnitentiale Bedæ de consecr. dist. 2.c. si quis per ebrietatem.*

Eucharistia, & sanctum Chtisma, debent fideliter sub clauibus custodiri; contrafacientes qualiter puniendi.

12 IN cunctis Ecclesiis Christina, & Eucharistia, sub fideli custodia, clauibus adhibitis, conseruentur: ne possit ad illa temeraria manus extendi ad aliqua horribilia, vel nefaria exercenda. Si vero is, ad quem spectat custodia Eucharistie, & Christi matis, ea incaute reliquerit, tribus mensibus ab officio suspendatur: &, si per eius incuriam aliquid nefandum inde contigerit, grauiori subiaceat vltioni. *Sacerdotale Romanum ex Concil. Later. c. 3. de cust. Euchar. c. 1.*

Qualiter pænitere debeat, qui non bene custodit Eucharistiam.

II Qui bene non custodierit Sacrificium; & mus vel aliquod aliud animal illud comederit; quadraginta diebus pæniteat: qui autem perdiderit illud in Ecclesia; aut pars eius ceciderit, & non inuenta fuerit, triginta diebus pæniteat. *Concil. Arelat. de consecr. dist. 2. c. eod. Vide sup. p. 1. c. 3. §. 1. de sacrificij oblatione: Et c. 5. de sacramentorum ministratio- ne: Et p. 2. c. II. de sollicitudine, vi- gilantia, & zelo Sacer- dotum.*

CAP.